

EQIKKAANEQ

Dato: 07. februarari 2019
Kontor: Nordatlanteheden
Sagsbeh: Casper Skibdal Vistrup
Sagsnr.: 2018-490-0075
Dok.: 956370

Kalaallit Nunaanni eqqartuussisarnermik inatsisip allannguutaa pillugu (Pinerluttulerinermi suliani nassuiaatinik atuineq, timikkut misissuinermit malittarisassanik allannguipeq, Kalaallit Nunaanni Eqqartuussivimmi sulisunik aalajangersaaneq il.il.) Inatsisissatut siunnersuummut missingiut

Siunnersuutip siullertut siunertaraa, pinerluttulerinermi suliani nassuiaatit aalajaatsumik nipaannik immiussisalernissaq taakkunanngalu immiussanik tusarnaartalernissaq, teknikkikkut piumasaqaatit naammassineqarsinnaagaangata. Pineqartup allannguutissap tunngavigaa danskit eqqartuussisarnermik inatsisaata allanngortinneqarnera, atuutilersinneqartoq inatsisikkut nr. 652, 15. juni 2010-meersukkut.

Siunnersuutip aappaattut siunertaraa, dna-mik misiligutinik pinerlussimasutut pasianiit tigusisarnermit malittarisassanik naapertuunnerusunik peqalernissaq, kingusinnerusukkut kinaassutsimik aalajangiisinnaaneq siunertaralugu, taamaaliornikkullu politit misissuisarneranni periarfissaat pitsaanerulersillugit. Taamaaqataanik danskit timikkut misissuisarnermit malittarisassaata danskit eqqartuussisarnermik inatsisaat nr. 369, 24. maj 2005-meersoq aqutugalugu allanngortinneqarnerput, aammalu tamanna inatsimmik allanngortitsinissamik siunnersuut Naalakkersuisut kinguaassiuutitigut atornerluisarnermit akiuiniarlutik suliniuteqarnerannut (2018-2022) tapertaasutut isigineqartariaqarpoq.

Siunnersuutip pingajuattut siunertaraa, qulakkeerneqassasoq Kalaallit Nunaata Eqqartuussiviani eqqartuussisumik allamik ivertitsisinnaangornissaq. Taassuma saniatigut Kalaallit Nunaata Eqqartuussisuuneqarfiani aammalu Kalaallit Nunaata Eqqartuussiviani utaqqiisaagallartumik eqqartuussisussanngortitsisinnaanissamik periarfissat pitsanngorsarneqarput.

Aamma siunneruutip siunertaraa, siunnersuisoqatigiit aalajangiisartullu katitigaanerisa aaqqiiviginissaat, tamanna pisariaqalermat Kanukoka-p (Kalaallit Nunaanni Kommunit Kattuffiat) 31. juli 2018-imi atorunnaarsinneqarnerata kingunerisaanik.